

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 101744 24 K
Visoko, 23.07.2024. godine

U IME FEDERACIJE BOSNE I HERCEGOVINE!

Općinski sud u Visokom, po sudiji Hani Hajdo-Ferhatović, uz sudjelovanje zapisničara Nikoline Mišković u krivičnom predmetu protiv optuženog S.E., zbog krivičnog djela neovlaštena proizvodnja i stavljanje u promet opojnih droga iz čl. 238. stav 1. KZ FBiH, po optužnici Kantonalnog tužilaštva Zenica T 04 0 KT 0048962 22 od 25.03.2024. godine, a koja je potvrđena od strana ovog suda dana 02.04.2024. godine, u prisustvu tužitelja Mustafić Mesuda, braniteljice po službenoj dužnosti Babić Amre ispred Kantonalnog zavoda za pravnu pomoć Zenica i optuženog S.E., na pretresu za izricanje krivično pravne sankcije dana 23.07.2024. godine donio je i javno objavio:

P R E S U D U

Optuženi: S.E., sin A. i majke A. rođene M., rođen ... godine u S., nastanjen u V., Č. bb, pismen, sa završenom srednjom školom, po zanimanju elektromehaničar, zaposlen u G. gradnja, oženjen, otac dva mladb. djeteta, Bošnjak, državljanin BiH, srednjeg imovnog stanja, JMB: ..., neosuđivan,

K R I V J E :

što je:

dana 23.07.2021. godine, oko 19,05 sati, u gradu V., u mjestu R., suprotno odredbama člana 4. stav 1., 2., 3. i 5., u vezi sa članom 20. Zakona o sprečavanju i suzbijanju zloupotrebe opojnih droga u BiH („*Službeni glasnik BiH*“ broj 8/06, 103/08 i 51/11), neovlašteno radi dalje prodaje držao jedan pvc paketić sa sadržajem bijele praškaste materije neto težine 14,007 grama za koju materiju je vještačenjem utvrđeno da sadrži psihoaktivnu komponentu „amfetaminsulfat“, koja se nalazi na popisu opojnih droga, psihotropnih tvari, koja je pod rednim brojem 1. Liste opojnih droga iz Tabele 2. „Tvari i biljke pod strogim nadzorom“ proglašena takvom, iako je bio svjestan da je držanje i prodaja opojne droge zakonom zabranjena, što je i htio, koja droga mu je pronađena od strane ovlaštenih službenih lica PS Visoko u putničkom motornom vozilu marke „Peugeot“ registarskih oznaka ... i izuzeta tokom uviđaja kao trag broj „2“ na parking prostoru izletišta R.,

dakle, neovlašteno, radi dalje prodaje kod sebe držao opojnu drogu,

čime je učinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Pa sud optuženom na osnovu istog zakonskog propisa, te na osnovu članova: 42., 49., 60. i 62. KZ FBiH, izriče:

USLOVNU OSUDU

Kojom se optuženom S.E. utvrđuje kazna zatvora u trajanju od 2 (dvije) godine, koja kazna se neće izvršiti ako optuženi u roku od 4 (četiri) godine od dana pravomoćnosti ove presude ne počini novo krivično djelo.

Na osnovu članova 78. stav 1. i 239. stav 4. Krivičnog zakona Federacije Bosne i Hercegovine optuženom se izriče sigurnosna mjera oduzimanje predmeta, i to: amfetaminsulfat“ u količini od 13,082 grama, preostaloj nakon vještačenja, a pohranjenoj u PS Visoko, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom PS Visoko u čijem se posjedu i nalaze.

Na osnovu člana 202. stav 1. u vezi sa članom 199. stav 2. tačka g) Zakona o krivičnom postupku Federacije Bosne i Hercegovine, optuženi je dužan platiti sudu na ime troškova krivičnog postupka u vidu paušala 20,00 KM, sve u roku od 30 dana, po pravosnažnosti presude pod prijetnjom izvršenja.

Obrazloženje

Kantonalno tužilaštvo-tužiteljstvo Zeničko-dobojskog kantona (u daljem tekstu KT ZDK) optužnicom broj T 04 0 KT 0048962 22 od 25.03.2024. godine optužilo je S.E., sin A., iz V., zbog krivičnog djela neovlaštena proizvodnja i stavljanje u promet opojnih droga iz čl. 238. stav 1. Krivičnog zakona Federacije Bosne i Hercegovine (u daljem tekstu KZ FBiH), a koje je izvršeno na način, u vrijeme i u mjestu kako je to navedeno u dispozitivu ove presude.

Optužnica je potvrđena od strane sudije za prethodno saslušanje ovog suda dana 02.04.2024. godine i na ročištu o izjašnjenju o krivnji dana 30.05.2024. godine optuženi se izjasnio da je kriv.

Na ročištu o razmatranju izjave o priznanju krivnje dana 23.07.2024. godine, sud se uvjerio da je optuženi S.E. izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama, uključujući i troškove krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi S.E. počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predložene dokaze i to: zapisnik o uviđaju PS Visoko broj 08-02-09/1-210/21 od 24.07.2021. godine, naredbu za vještačenje KT ZDK broj T04 0 KTA 0046140 21 od 03.08.2021. godine, foto-dokumentaciju PS Visoko broj 08-02-09/1-210/21 od 05.10.2021. godine i izvod iz kaznene evidencije MUP KS, Uprava policije Sarajevo broj 02/5-2-03-8-2/5210 od 04.01.2022. godine na ime osumnjičenog S.E., zapisnik o ispitivanju osumnjičenog S.E. KT ZDK broj T04 0 KT 0048962 22 od 11.05.2021. godine, nalaz i mišljenje ispitivanja NN materije FMUP, Federalna uprava policije Sarajevo, Centar za

forenzička ispitivanja, vještačenja i istraživanja, Odsjek za hemijsko-toksikološka i fizikalna ispitivanja, istraživanja i vještačenja broj 09-18/2-03-5-1507 od 10.11.2021. godine.

Naime, priznanjem optuženog koji je u potpunosti i u skladu sa predloženim dokazima, a naročito sa zapisnikom o uviđaju PS Visoko broj 08-02-09/1-210/21 od 24.07.2021. godine, te foto-dokumentacijom PS Visoko broj 08-02-09/1-210/21 od 05.10.2021. godine, kao i nalaz i mišljenje ispitivanja NN materije FMUP, Federalna uprava policije Sarajevo, Centar za forenzička ispitivanja, vještačenja i istraživanja, Odsjek za hemijsko-toksikološka i fizikalna ispitivanja, istraživanja i vještačenja broj 09-18/2-03-5-1507 od 10.11.2021. godine, nesporno je dokazano da je isti počinio krivično djelo koje mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predloženih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga ga je sud za navedeno krivično djelo oglasio krivim i kaznio.

Prilikom izricanja krivično pravne sankcije sud je cijenio optuženom S.E. sve olakšavajuće i otežavajuće okolnosti, od olakšavajućih okolnosti sud je posebno cijenio činjenicu da je optuženi priznao izvršenje krivičnog djela koje mu se stavlja na teret čime je u mnogome doprinio utvrđivanju činjeničnog stanja i skraćanju krivičnog postupka, da se radi o licu mlađe životne dobi, da je porodičan čovjek, otac dvoje mladb. djece, zaposlen i jedini hranilac u porodici, da je neosuđivan, da se kaje i da mu je neugodno što se uopšte našao u situaciji da mora pristupiti pred sud. Od otežavajućih okolnosti sud je cijenio društvenu opasnost i ugroženost zštićenih objekata, u skladu sa prirodom i težinom počinjenog djela.

Cijeneći sve olakšavajuće i otežavajuće okolnosti na strani optuženog, sud je optuženom S.E. za navedeno krivično djelo utvrdio kaznu zatvora u trajanju od 2 (dvije) godine, koja kazna se neće izvršiti ako optuženi u roku od 4 (četiri) godine od dana pravomoćnosti ove presude ne poćini novo krivično djelo, u uvjerenju da će se mjerom upozorenja, uvjetnom osudom, , ostvariti svrha kažnjavanja predviđena u članu 42. KZ FBiH (Službene novine Federacije FiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), te postići kako opća tako i specijalna prevencija.

Na osnovu članova 78. stav 1. i 239. stav 4. Krivičnog zakona Federacije Bosne i Hercegovine optuženom se izriče sigurnosna mjera oduzimanje predmeta, i to: amfetaminsulfat“ u kolićini od 13,082 grama, preostaloj nakon vještaćenja, a pohranjenoj u PS Visoko, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom PS Visoko u ćijem se posjedu i nalaze.

Na osnovu člana 202. stav 1. u vezi sa članom 199. stav 2. taćka g) Zakona o krivićnom postupku Federacije Bosne i Hercegovine, optuženi je dužan platiti sudu na ime troškova krivićnog postupka u vidu paušala 20,00 KM, sve u roku od 30 dana, po pravosnažnosti presude pod prijetnjom izvršenja.

Sudija
Hana Hajdo-Fehatović

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.